庫全書

子部

欽定四庫

子部

西山讀書記卷二十四

刑部即中臣許兆椿覆勘 詳校官中書臣孫 球 校對官庶吉士臣 總校官庶吉士 臣 膝緑監生臣

杨邦

彦

陳崇本

侍

朝

帝王質文世有損益至周曲為之防事為之制故曰 ▼ 新記記記録 ままが ですむ 与山荒写已 致一也 上下然後禮義有所指 真徳秀 撰

宗廟宫室衣冠車旗之等條而析之亦應不下三千 皆禮之微文小節如今曲禮少儀內則玉藻弟子職 所記事親事長起居飲食容貌解氣之法制器 即今儀禮但亡逸者多故其篇數不及三百曲禮 害己皆滅去其籍自孔子時而不具〇朱子曰經禮 為經禮儀禮為曲禮朱子始以臣職及葉氏之說辨 有餘云云〇愚按鄭氏諸人皆以周禮三百六十官 經禮三百威儀三千及周之東諸侯將剛法度惡其 偹 幼

欽定匹庫全書

其不然姑記其界於此以見經禮曲禮之别云〇葉 氏名夢得

韓子曰予當若儀禮難讀又其行之於今者蓋寡公襲

存者希矣百氏雜家尚有可取況聖人之制度邪於是 不同莫知其由考於今誠無所用之然文王周公之法 粗在於是孔子曰吾從周謂其文章之威也古書之

其時進退揖讓於其間嗚呼風哉 撥其大要奇辭與古著於篇學者可觀焉惜乎吾不及

久三日草全書

西山讀言記

金りじ 朱子曰儀禮禮之根本而禮記乃其枝葉又曰儀禮經 也禮記傳也 愚謂解子可謂好古矣然以為於今無所用則亦 事禮記明其理讀禮記不讀儀禮許多理旨無失看 且如儀禮有冠禮禮記便有冠義儀禮有昏禮禮記 之未詳也 便有昏義以至與射之類莫不皆然又曰儀禮載其 處〇又曰禮記只是解儀禮如喪服小記便是解喪

1

服傳推之諸篇皆然〇問禮書曰惟儀禮是古全書 禮傳記是誰作日傳是子夏作記是子夏以後人作 若曲禮玉藻諸篇皆戰國之士及漢儒所哀集問儀 觀又日今儀禮多是士禮天子諸侯喪祭之禮皆不 亡於秦失而壞於漢儒其說亦好温公論景帝太子 當時君臣問有所不晓遂至無傳故先儒謂聖經不 又曰漢河問獻王得古禮五十六篇想必有可觀但 既亡當時若立獻王為嗣則漢之禮樂制度必有可

沙定四事全書

西山衛者記

禮五十六篇却有天子諸侯之禮故班固謂愈於非 存其中不過有些小朝轉燕享之禮自漢以來几天 子之禮皆是将士禮來增加為之漢河間獻王所得 只看古人君臣之際如君臨臣喪坐撫當心要經而 情文極 士禮以為天子諸侯之禮者班固作漢書時此禮猶 在不知何代何年失了可惜又曰儀禮不是古人預 一書 如此初間只以義起漸漸相襲行得好至於 細家 極周級處聖人見此意思好改録成書

問 盟祖之類必非周公之意蓋盟祖起於王法不行人無 張子曰周禮是的當之書然其問必有末世增入者如 其中須知道者觀之可決是非也 周禮有訛缺否程子曰甚多周公致治之大法亦在 踊今日之事至於死生之際怒然不相關不啻如路 記而不讀儀禮故不能見本未 甫始能去其後雖復春秋而儀禮卒<u>廢今士人讀禮</u> 人恩義安在又曰儀禮舊與六經三傳並行至王介

火足四草全事

西山街書記

12

得 بالا 天官之職須襟懷洪大方看得益其規模至大若不 又曰有蘇趾關雕之意然後能行周官之法度 取直故要之於神所謂國将亡聽於神也 b. 心欲事事上致曲窮究凑合此心如是之大必不能 心力看方可其他五官便易看止一職也 又曰周禮惟大宰之職難者益無許太心胸包雞得 此後忘彼其混混天下之事當如捕龍蛇搏虎豹 得 用

たノモ

ってうう、人工可 楊氏曰周官之書先王經世之務也不可不講 朱子曰周禮周公遺典也 禮乃周家盛時聖賢制作之書又曰周禮一書周 行周官之法度不然則為王莽矣 所以立下許多條實皆是從廣大心中流出又曰 胡氏父子以為王莽令劉哉撰此恐不然〇又曰周 到薰蒸洋溢天下無一民一物不被其化然後可以 或問云云何也朱子曰須是自閨門在席之微積累 西山讀言記 周

金グロをノニーて 是周公意思又曰天官之職是總五官者若其心不 竟出於一家謂是周公親筆做成固不可以大綱却 度之書惟周禮儀禮可信禮記便不可深信周禮里 官編布精密乃周公運用天理熟爛之書又曰說制 先事措置思患預防是着多少精神所以記得此後 大其心者區處應副事到面前便且區處不下況於 至五官庶事自大至小自本至末干頭萬緒若不是 如何包得許多事且家宰內自王之飲食衣服外 K

.-哉又如王后不當交通外朝之說他亦是懲後世弊 忘彼佛氏只合下将那心頓下無用處幾動步便缺 下之本豈可以後世之弊而併廢聖人之良法美意 間交結近習以為不可殊不知此正人君治國平天 宰却管甚官間之事其意只是見後世宰相請託官 日五奉以周禮為非周公致太平之書謂如天官家 要之儀禮中亦分明自載此禮在至若女祝掌凡內 脱所以吾儒貴窮理致知便須事事物物理會過又 ď, 山語書記

多定四库全書 箇一如暴監相似抨布定後暴子方有放處舊當妄 哉又曰此問族黨之法正周公建太平之基本他這 禱祠槍禳之事使後世有此官則巫盤之事安從有 看廣大精密周家法度在裏許但不敢令學者看又 使天下之民無不被其澤又推而至於爲獸草本無 意此書大綱是要人主正心修身齊家治國平天下 天地耳曰是恁地須要識公平意思〇周禮一書好 不得其所而已不如是不足以謂之裁成輔相參贊 卷二十四

へつ りら へぶす 禮說曰周制三公位冢宰則冢宰與王坐而論道 也今放具屬小字掌外治凡與王左右親習之官 第一要見得聖人是箇公平底意思陳君舉說天官 是後一截事問周禮合如何看曰也且循註疏看去 說自是到得中間有官屬相錯綜處皆謂聖人有使 之職如膳羞衣服之官皆屬之此是治人主之身此 之相防察之愈這便不是○按永嘉陳氏君舉有 日學有先後先須理會自家身心合做底學周禮 却 西山讀書記 者 周

職業儿若是作格君心四篇其一曰凡餐食田苦新 馬內字掌內治凡與后左右親習之官隸馬而他無 蒸之事醫藥之事酒漿之事握布次舍之事甚與冗 之官其用命士每官多至四十人往往皆大夫長之 之事則大僕而下凡僕取之官有祭祀之事則大祝 而屬於柳若夫宿衛非宫正之羣吏則官伯之士庶 而下凡巫祝之官有熊樂之事則大師而下凡聲樂 也甚烦辱也必用命士必皆領於冢宰若王有師田

金グでんとうも

炎 是四年全書 兵衛也告周公作立政大抵汲及於用賢而以虎賁 進雜而桑在至矣是故分隸於列卿而冢宰之治 除所自考課尚非命士則簡除考課不出於朝廷 子所謂執矛戈立陷配皆冕衣裳者非若後世但以 與王燕者則斯人也必以士為之則必公卿 縣言之何也誠以大臣進見有節敷奏有常而朝 皆大臣也名位尊矣視趣馬級衣至不等而周公 級衣趣馬携僕列諸左右常伯三事之下常伯三事 西山語書記 所自簡 I

得其人則太子見德而成王為賢君不得其人則 人者皆 家 則 极盖宿衛國子 也他日能為顧 禽術康叔之子年齊太公之子及俱事成王伯禽年 詳書曰告在文武侍御僕從罔 一辟由此其選也方周公之教世子也曾公之子伯 相觀而善之益多其後詩人刺皇父曰皇父卿 伯家宰仲允膳夫蹶 相從於女謁者也由此觀之王之所與熊 維 趣馬艷妻煽方處以是 非 諸侯而成王與之處 正人以 朝 タ承 弼 士

臣何也彼贱有司誠不宜以背細課校至尊唯大 富有四海而一人之奉就使無節歲費幾何方且嘉 亡從之如之何其不謹乎○其二曰庖事酒事衣表 **謁行而褒姒之禍作自后世子賢否繁焉而周之** 與大臣以自防檢無幾過差不中九式之度雖 之事唯王及后有司不敢會既不會矣而必領於 以道佐人主獨得與人主可否相是非是故領之 敢議而大臣盡規所以資啟沃成敬畏也〇其三 有司 夫 臣

決定四事全書

西山清書記

與之俗樂而後係后德如此則宮板之政一 夜 母儀天下而嫌嫌然有不足配至尊之意當是時夫 之所為奚不可者今廼内小臣而下凡聞官九嬪 嫡若干人世婦若干人女御若干人各以其職 不寐展轉嘆息無幾得之吾當推琴瑟鐘鼓之奉 側 恆之間尚有遺賢宜配君子求而不可得 以共賓祭蕃子姓之官備矣后方惻然遐想 關雖知三代而上后处極天下之選矣后 以聽 則中 后 幽

尉楊東糾中常侍而尚書詰以三公統外安得越奏 是非於侵紊之後争予奪於縱处於抑末矣漢太 得以稽其功緒而賞罰其勤惰茍違有司之禁錐 子不得自以為思是故私謁不行而內政舉古之所 寡赐予之疏數皆禀命於朝廷而后不與且使內字 屬之大臣則夫員數之增損職掌之廢置禄秩之多 謂正家者盖如此而非屑屑然也今出房随而方較 下凡婦官下至於女奴曉祝者曉書者曉裁縫者必

文定以事全書

山演書記

疑周禮也〇自此而上益朱子之所是故録之餘 長有天下自秦人尊君卑臣之今行無惑乎後世之 旬 日齊侯之子平王之孫則從夫之序也夫唯王 共齒於學王姬之車服 蚁〇其四曰周之學政不别言王世子而嫁子無王 近官益內治不聽於公鄉久矣無怪乎後世之多亂也 姬之法益天子之元子母過命士與公卿大夫之子 牧甚卑則以能下人為家法夫唯能下人而後能 雖不緊其夫而其肅雖之詩 與后

文記四事主書 禮 生意 之士以為跨大之說觀孔子平日語言有如是者否 物剪裁繪畫雖似相類終不若化工所生者自有一 泥 之說本不能混格言只為學者不能辨别如珠玉之 程子曰禮記中有聖人格言亦有俗儒乖繆之說乖繆 記儒行經解極害義理又曰儒行之篇如後世遊說 沙耳聖人文章自然與學為文者不同譬之化工 取 西山湯言記 在 般 生

朱子曰世謂禮記為漢儒作非也漢儒最純者莫如董 息合同而化而樂與焉仲舒安能 記 記亦近道其言正 朱子亦曰讀禮要人自辨別其間非純是格言如至 孝近乎王至弟近乎伯全不成義理 除中庸大學唯樂記為最近道學者深思自得之 仲舒之文最純者莫如三策曷常有禮記中語 所謂天高地下萬物散然而禮制行矣派而不 到 Jt.

ノシにノト

禮有經有變經者常也變者常之變也先儒以由禮 禮然其意以為不必盡行行之反以多事故欲絕滅之 變禮益曲者委曲之義故以為變禮然母不敬安定 阳 安民哉此三者謂之變可乎先儒以儀禮為經禮然其 子曾為柱下史故知禮之節文所以孔子問之明雖 へきしり ラートライ 亦自有變又不可一律觀也 孔子何以問禮於老明日始疑有两老明後思之老 所謂謀用是作而兵由此起等語亦有此意 西山清洁記

周旋若事事理會必有所不周惟常存此心則自然不 東菜日氏曰曲禮少儀皆是遜志道理步趙進退左右 金万口人人二百 違乎理心有時而不存則禮有時而或失內有毫釐之 礙 師皆是 則 到處也又所謂遜志如徐行後長如酒婦應對如相 下云如天之於百物根莖枝葉華實條餘豈一一生 之战氣至則百 外有尋尺之差 物自生若一枝一葉之病則是氣不

見足四軍全書 之餘而多出於一時之傅會奈何欲盡信而句為之解 乎然則其事固不可一二追後矣 而班爵禄之制已不開其詳今之禮書皆报拾於煨爐 程子曰孟子之時去先王為未遠又載籍未經秦失然 又曰若埋人有作古禮未必盡用須且是理會本原 習熟不待家至戶晓皆如饑食渴飲故不見其為難 朱子亦曰古禮難盡行後世尚有作者必須酌古今 之宜若如古人煩縟如何教令人盡行得古人上下 西山衛方記

金八工 本又如說井田只據詩裏說雨我公田遂及我私後 東之服館粥之食白天子達於庶人這便是大原大 **曾子垂死丁寧說及君子所貴乎道者三孟子答縣** 文公喪禮只說諸侯之禮吾未之學吾當聞之矣齊 面都說鄉田同井出入相友守望相助疾病相扶持 細碎只理會許多大原大本因說如今學問不考古 井田只說這幾句是多少好看孟子不去理會許多 井九百畝其中為公田八家皆私百畝同養公田説

哉到說制度處也只說諸侯之禮吾未之學也當聞 甚益孟子慨然以天下自任曰當今天下舍我其誰 固不得若一向去採撫故事零碎凑合說出來也無 行益文質相生春漢初已自趨於質了太史公董仲 若聖賢有作項簡易疏通使見之而易知推之而易 散不過是一水擔相似夏火股藻周龍章皆重添去 其界也又日以明堂位觀之周人每事皆添四重虞 舒每欲改用夏之忠不知其初益已是質也又云引 ĭ H 山清吉記 十四

好完四库全書 廟朝廷下至士無鄉黨典禮各分明漢唐時猶有此意 投終身守而行之儿典禮有疑輕就質問所以上自宗 古者禮學是專門名家始終考訂此事故學者有所傳 子曰如用之則吾從先進已厭周之文了又曰行夏 之時來殷之格此意皆可見使有聖賢者作必不盡 如古之禮必當裁酌從今之宜而為之也 史公書載樂記全文中兼有王鄭二註〇鄭康成是 以上禮經要指〇朱子又曰禮記有王肅經然好太 K

孟子公都 孔子曰吾志在春秋行在孝經 時此學自專門名家朝廷有禮事便用此等人議之 亦該博陳又勝似陸後世禮樂無足觀者諸儒議論 ううこうえう 如今刑法官專用武法人 却有可取當別類作一書六朝人多精於禮必竟當 个好人考禮名數大有功陸農師禮象陳用之禮書 春秋要指 ~ 脾章 并即 世東道微都說暴行有作臣私具君 西山語書記 五五

者有之子斌其父者有之朱子日 金好四屋在書 具惟春秋乎罪我者其惟春秋乎 孔子懼作春秋春秋天子之事也是故孔子曰知我者 子者以謂無其位而託二百四十二年南面之權使 其大要皆天子之事也知孔子者謂此書之作過人 胡氏曰仲尼作春秋以寓王法博典庸禮命德討罪 **欲於横流存天理於既滅為後世處至深遠也罪孔** 亂臣賊子禁其欲而不得肆則戚矣 讀為又古字通用 有 作 之 有

孟子曰王者之迹熄而詩亡詩亡然後春秋作 寧孔子成春秋而亂臣賊子懼 告者禹抑洪水而天下平周公兼夷狄驅猛獸而百姓 於天下也詩亡謂恭離降為國風而雅亡也春秋魯 朱子曰王者之迹媳謂平王東遷而政教號令不及 畢見而討絕之法著馬施於萬世皆無所通其跡故 南軒曰成春秋而亂臣賊子懼者亂臣賊子之情為 也 西山讀書記 十六

銀定四母全書 矣 晉之乘楚之檮杌魯之春秋一也 其事則齊桓晉文其文則史孔子曰其義則丘竊取之 史記之名孔子因而筆削之始於魯隱公之元年實 者皆其所記冊書之名也 為所記之名也古者列國皆有史官掌記時事此三 春秋者記事者必表年以首事年有四時故錯舉以 平王之四十九年也

こうれいからし えいれの 孟子曰春秋無義戰彼善於此則有之矣 事莫大於春秋故特言之 又承上章歷叙屋聖因以孔子之事繼之而孔子之 事也而其義則定天下之邪正為百王之大法〇此 者也尹氏曰言孔子作春秋亦以史之文載當時之 言斷之在已所謂筆則筆削則削游夏不能赞一辭 議解也公年傳作其 解則丘有罪馬爾意亦如此益 春秋之時五霸送興而威文為風史史官也竊取者 西山衛吉記

金牙口屋人二世 左氏傳君子曰春秋之稱微而顯志而晦城而成章盡 征者上伐下也敵國不相 不汗懲惡而勸善非聖人谁能修之 征 則 罪無有以為合於義而許之者但就中彼善於此者 所以無義戰也 所以正人也諸侯有罪則天子討而正之此春秋 有之如召陵之師之類是也 秋母書諸侯戰伐之事必加歲貶以著其擅與之 征 也

莊子曰春 秋經世先王之志也聖人議而不辨 漢上大夫壺遂曰史記索隱 之空言不如見之於行事之深切著明也春秋上明 之不用道之不行也是非二百四十二年之中以為 周道廢孔子為曾司冠諸侯害之大夫壅之孔子知 下儀表贬諸侯討大夫以達王事而已矣子曰我欲 王之道下辨人事之經紀別嫌疑明是非定稱與善善 何為而作春秋哉太史公曰余聞之董生服 ήÚ Ц 簡書 ٤ 故位上大夫也告者日常遂為詹事告者

銀戸四人生書 惡惡賢賢贱不肯存亡國繼絕世補敝起廢王道之 國五十二諸侯奔走不得保社稷者不可勝數察其所 數千萬物之散聚皆在春秋春秋之中弑君三十六亡 者也撥亂世反之正莫近於春秋春秋文成數萬其指 子弑父非一朝一夕之故具漸久矣有國者不可以 以皆失其本已故易曰差以毫羞繆以千里故臣弑君 春秋前有歲而不見後有賊而不知為人臣者不 不知春秋守經事而不知其宜遭變事而不知其權 可 不

皆以善為之而不知其義被之空言不敢解夫不通禮 秋者禮義之大宗也 者天下之大過也以天下大過子之受而不敢解故春 義之指至於君不君臣不臣父不父子不子夫君不君 人臣子不通於春秋之義者必陷篡試誅死之罪其實 為人君父者而不通於春秋之義者必蒙首惡之名為 りているうに入ります 文中子曰春秋之於王道是輕重之權衡曲直之繩墨 則犯臣不臣則誅父不父則無道子不子則不孝此四 西山讀書記

秋 Б. 猶法律之有斷 程子曰五經載道之文春秋聖人之用五經之有春秋 生之世人二言 뚅 也舍則無所折衷矣又曰春秋其以天道終乎故止於 經如樂方春秋如用樂治病聖人之用全在此書春 麟 經之理春秋誠不難 閯 句即一事是非便見於此乃窮理之要學者只觀 氏曰孔子於六經言其理春秋著其行事若得六 例也律令惟言其法斷例始見法之 矢口 用

春秋亦可以盡過矣 以傳考經之事迹以經別傳之真偽 春秋傳為按經為斷 こうしらいたら 時為古學者 黄聲隅問春秋如何看曰云云〇按聲問名晞亦當 義但一字有義上下有異則義須別 伐愈盟之類益欲成書勢須如此不可事事各求異 所謂不如載之行事深切著明也有重叠言者如征 西山讀古記 干

也 如 金け四たと言 夫子作春秋為百王不易之大法後世以史視春秋 或予或奪或進或退或微或顯而得乎義理之安文質 用 之中寬猛之宜是非之公乃制事之權衡揆道之模範 褒善貶惡而已經之大法則不知也春秋大義數十炳 大觀百 日星乃易見也惟微解隱義時指從宜者為難 於一事一義而欲窺聖人之用非上智不能也故學 秋者以優游涵泳點識心通然後能造其微也 物而後識化工之神聚聚材而後知作室之 知 謂

法度之中制此其所以作春秋也 盖其變既極其法既詳於是孔子參酌其宜以為百王 又曰自伏義堯舜歷夏商以至於周或文或質因襲 問春秋書日食如何曰日食有定數聖人必書者益欲 之其意止欲人君重民力也 春 恐懼修省 秋之文一一意在示人如土功之事無大小莫不書

てアリヤ人でき

春秋之法極謹嚴中國而用夷禮則夷之韓子之言

深

西山讀考記

得其古 金ラモ 大於 首 邵子日春秋孔子之刑書也 春 秋之間 罪 人意 罪 之魁 四 故 心矣又曰 國者 罪人有 云春秋有貶 有功者未有大 也先定五伯 也 不先 五 功 亦 伯 而無褒邵子曰春秋禮法發君臣 治四國之功 必 功 之功 銀 過 於 2 不 過 四國 相 功 ~而學春 過 掩 (者也有過 過 不 聖人先褒其功 相 則 事 秋則大意立矣 掩 無統 五伯 者亦 者 理不得 未 後 功 2 有

渾然無迹如天道馬春秋録實事而善惡形於其中矣 書也 春秋為君弱臣強而作故謂之名分之書夫聖人之經 春秋皆因事而褒貶非有意於其間故曰春秋盡性之 春秋書實事而善惡自見此之間天理之自然而非 一人之私意也 功於天下安得不與之也 亂其間有能為小善者安得不進之也况五伯實有 15 1. 读

鲁即隱公兄弟嫡庶之辨攝讓之實可按而知也當 左氏謂此類也若大來照仲子以為豫內事則誣矣王 為上則當習公穀如載惠公元处繼室及仲子之歸 其說多鑿 能 武夷胡氏曰傳春秋者三家左氏叙事見本末公羊穀 張氏曰春秋之書在古無有乃仲尼所自作惟孟子為致完成年全書 詷 知之非一 辨而義精學經以傳為按則當閱左氏玩詞以義 理明義精殆未可學先儒未及此而治之故 閱 於

於殺也當習穀梁氏謂此類也若夫曲生條例以大 正月之為大一統及我欲之暨不得已當習公羊氏 要在反求於心斷之以理精擇而慎取之則美玉之 **谓弟公子也弗謂公子贱段而甚鄭伯之處心積慮成** 此 日卒為正則鉴矣萬物紛錯懸諸天衆言淆亂折諸 子者用力甚勤時有所取雖造宮墻之側幾得其門 頻 也若母以子貴媵妾許稱夫人則亂矣段弟也弗 15 山山 與 謂 夫

致定匹库全書 意則引而不發欲使後學慎思明辨自得於耳目見 七家所造固有深淺獨程氏當為之傳然其說甚器於 列 之外者也故今傅事按左氏義採公羊穀梁之精者大 入要皆未見宗廟之美百官之富者也故不與七家之 網本孟子而微詞多以程氏為證云 章 問盖莊董文中子程邵張今增孔子自言及左氏傳 間

久三日草全書 文不在 當世人欲肆而天理減矣仲尼天理之所在不以為 也天之未喪斯文也匡人其如予何聖人以天白處 服 傅序曰古者列國各有史官掌記時事春秋魯史爾 任 凡就加筆削乃史外傳心之要典也而孟氏發明宗·古 日為天子之事者周道泉微乾綱 弗章已所當命五刑弗用己所當討故曰文王既 而誰可五典弗學已所當叙五禮弗庸己所當秩 兹乎天之将喪斯文也後死者不得與於斯 15 福書記 解紐亂臣賊子接 迹 没 £.

者 見 文之與喪在己而由人乎哉故曰我欲載之空言不 金りせ 志 之 見 者其惟春秋乎知孔子者謂此書遇人欲於横流 存乎經世其功 偷 必褒而善自此可動有罪者必貶而惡自 八用是 行事之深切著 1 1170 則皆天子之事也故曰知我者其惟春秋乎 典 自 故 假傷 it 可惇秩上下之分而禮自此可庸 西巴 史以寓王法撥亂世反之正叙先後 於抑洪水曆我狄放龍 明也空言獨能載其理行事然後 蛇蛇 此可懲 驅虎豹 有德

ĸ

記二百四十二年南面之權使制臣賊子禁其欲而不 禮之經本忠恕則導乎樂之和著權制則盡乎易之變 則發乎詩之情酌古今則貫乎書之事與常典則體乎 得肆則戚矣是故春秋見諸行事非空言此也公好惡 之有春秋猶法律之有斷例也學是經者信窮理之要 矣不學是經而處大事次大疑能不惑者鮮矣自先聖 百王之法度萬世之繩準皆在此書故君子以謂五經 天理於既減為後世處至深遠也罪孔子者無其位而 西山詩書記

· 及定四車全書

世有 宇宙若見聖人親炙之也而春秋之權度在我矣 如 曰 夷狄貴王贱怕而已未必如先儒所言字字有義也又 朱子曰春秋大指其可見者誅亂臣討賊子內中國外 ĵĒ. 此去聖既遠欲因遺經窺測聖人之用豈易能乎然 人以文學名科如游夏尚不能贊 誼 先後人心之所 曰春秋正義明道貴王賤伯尊君柳臣內夏外夷 不 利明道不計功春秋之大指也 同然一爾茍得其所同然者雖越 群益立義之精

、 いうらい ここ 又曰春秋傳例多不可信聖人記事安有許多義例 又曰聖人作春秋不過直書其事善惡自見 法家之深刻乃傳者之墨説 乃其大義而以爵氏名字日月土地為褒貶之例若 無失也朱子謂得之延平先生者如此 但以今人之心求聖人之意未到聖人洒然處不能 又曰春秋一事各是發明一例如看風水移步換形 又曰春秋之事且據左氏當時大亂聖人且據實而 西山清書記

金安四母全書 書之其是 非得失付諸後世公論益有言外之意若 是要備二三百年之事故取史文器加修定何當云 必於一字之間求褒貶所在竊恐不然又曰孔子只 諸侯擅與自肆具郊稀不過見魯僧禮耳至如三十 某事用果法某事用果例耶且如會盟征伐不過見 猶釋也如此看却分明 望是不必望而猶望也書仲遂卒猶釋是不必釋而 四十牛傷牛死是失禮之中又失禮也書不郊猶三

謀利大義晦矣 南 取其大義數十斷為定論而詳味其抑揚子奪輕重之 春秋是末後事惟理明義精方得見 春秋本明道正誼之書今人止較齊晉伯業優劣反成 宜則有以權萬變矣 こううこくえい 軒張氏日春秋即事而明天理窮理之要也觀其書 上事 义日春秋是言天下事學者讀書先要理會自己分 西山讀古記 美

害之人要置身於稳地而不識道理於大倫處皆錯 如君子口之類病處甚多又日左氏之病是以成敗 史考事頗精只是不知大義專去小處理會往往不 以上春秋要指〇問三傳優为朱子曰左氏自見國 論是非而不本於義理之正又曰左氏乃一趨時避 大學論所止便說君臣父子左氏豈知此如云周 得許多說話往往却不見國史又曰左氏有淺陋處 **目講學公穀考事甚疎然理義却精二人乃經生傳**

銀戶四庫全書

復之徒雖未深於聖經然觀其推言治道凛凛可畏 終是得聖人意思又曰胡文定春秋傳大義正議論 皆是計較利害大義却不智見如唐陸淳本朝孫 見識斷當他事皆功利之說〇又曰近時言春秋者 同好態哉又曰左氏傳是箇博記人作只是以世俗 交質而曰信不由中質無益也正如田客論主而責 有開合精神存取此本與後世看縱未能盡得然不 其不請飲茶使孔子論此肯如此否尚得謂與聖人 明

欽定四庫全書 經可 程 至者所以未得者句句而求之畫誦而味之中夜而思 聖人所以用心聖人之所以至於聖人而吾之所以 之平其心易其氣闕其疑則聖人之意可見矣 子日學者當以論語孟子為本論語孟子既治則六 看得平 中不遠矣又曰劉榮父春秋亦好蘇子由吕居仁亦 不治 語益要指 而明矣讀書者當觀聖人所以作經之意與

學者須将論語中諸弟子問作自己問聖人答處便作 今日耳間自然有得 凡學語孟且須熟讀玩味将聖人言語切已不可只作 揚話説 味來涵養成甚生氣質 雖孔孟復生不過於此教人若能於語孟中深求玩 讀看便自意足學者須是玩味若以語言解著意便 人只看得此二書切已終身儘多也又曰論孟只剩 9 1 18 3 0

冷耳 欽定匹库全書 或問且将語孟緊要處看如何曰固是好但終是不決 精無粗無淺無深都玩味得熟道理自然出若便要 之深切 讀論語問何為要曰熟讀初不知異後來方覺此語 不足五拳胡氏初見龜山先生問為學之方先生令 别則孟子一 論語須揀緊要底看否朱子曰不可須從頭看無 部可刑者多矣聖賢言語粗說細

度事物自然見得長短輕重 凡讀論語非是要理會言語要識得里賢氣泉讀論語 又日學者先讀論語孟子如尺度權衡相似以此去量 孔子言語句句是自然孟子言語句句是事實 礙處 告看理會教徹透益道體至廣大若不盡見必有室 ううへつう 何曰只見句句皆是實語先生首肯之曰善自涵養 尹和晴當言近日看論孟似有所見先生日所見如 两山語旨 18.

銀完四雄全書 孟子而不知道所謂雖多亦異以為 論語問同而答異者甚多或因人才性或觀人之所問 讀論語未讀時是此等人讀了後又只是此等人便 讀之愈外但覺氣味深長 得一兩句喜者有讀了後知好之者有讀了後直有 不知手之舞之足之蹈之者又曰今人不會讀書如 是不自讀又曰順自十七八讀論語當時已曉文義 又曰讀論語有讀了全然無事者有讀了後其中有

得乎前則不敢求其後未通乎此則不敢志乎彼 言之則其篇章文句首尾次第亦各有序而不可亂 ってううこんなら 循 或 二書言之則先論而後孟通一書而後及一書以一書 ,熟讀而精思可也日然則請問循序漸進之說日 問學者之於論孟其用力也奈何朱子曰循序而 思而言及所到地位 ,所至約具程課而謹守之字求其訓句索其古 漸進馬則意定理明而無疎易陵職之患矣是 西山讀言記 如

思使其意旨若出於吾之心然後可以有得爾至於 冷 成 其條 抵觀書先 惟讀書之法是乃操心之要尤始學者之不可 可也孟子每章或千百言反復 誦 口其熟讀精思者何 百 理球通語意明潔徐讀而以意隨之出入往 誦之後反復玩味於無間静一之中以 數則其不可涯者将 須 熟讀使其言皆若出於吾之口繼 耶曰論語一章不過數句易 有以得之於指掌之問 冷論辨 錐岩不可 須 其 不 涯 ソス 书 知

グじえ

1971

使 則 如 亦 相 尤無義理者不待觀於它說而先自屈矣復以聚說 将奪於公論而無以立矣大抵徐行却立處静觀 攻堅木先其易者而後其節目 姑 有疑聚說紛錯 一說自為一說而隨其意之所之以驗具通塞則 置 一難而求其理之所安以考其是非則似是而非 日讀孟子非 而徐理之此讀書之法也 惟 則亦虚心静慮勿遽取舍於其間 看它義理熟讀之便晓作文之 西山湖方北 如 解亂繩有所不

擴之端 諭 論語之言無所不包而其所以示人者莫非操存涵養 欽定匹库全書 之要七篇之指無所不究而其所示人者類多體驗克 語中看得有味餘經亦迎及而解 首尾照應血脉贯通語意反覆明白峻潔無一字 索而虚恬省事以養之遲久不解當自覺其益又答 可的簡問看過直須是置心平擔整實之地玩味探 聖人之言平易中有精深處不可穿鑿求速成人不 恢 悶

次定四車全書 讀孟子未言梁王問利國便說盡心 南 近日學者病在好高讀論語未問學而時習便說一 語孟工夫少得效多六經工夫多得效少 軒張氏曰論語日夕玩味覺得消磨病痛稍變氣質 最後一段事益非理明義精則止是較得失考同 非 心緒轉雜與讀史傳撫故實無異況左右心中本 魏元履書云欲為春秋學甚善但前草以為此學者 所以橋失而趨中也愚意以為不若且看論語 65 山衛旨犯 丰 - 費 異

須是潛心此書外外愈見具味 行循序而進乃聖人教人之大方從事於此則不差也 又曰論語首篇所記大抵皆欲晷文華超本實數寫躬 又口學者潛心孔孟莫先於明義利之辨已見前義 段大致明白底看两段須是專一自早至莫夜雖不 利篇○以上語盖要指○朱子曰論語一日只 讀亦當涵味常在 詩禮樂 胸 次 禮 看一

語子所雅言詩書執禮皆雅言也 超而過庭日學詩乎對曰未也不學詩無以言鯉退而 陳亢問於伯魚口子亦有異聞乎對曰未也當獨立 朱子曰雅常也執守也詩以理性情書以道政事禮 素之言止於如此若性與天道則有不可得而開 要在然而識之也〇此章兼言詩書禮 以人所執守而言非徒誦説而己〇程子曰孔子雅 以謹節文皆切於日用之實故常言之禮獨言執 鯉 者

久三日三八三百

/**巧** 山

續者犯

學詩 他 金少口五二二 子之遠其子也 間] 無以立鯉退而學禮 日又獨立經越而過庭日學禮乎對日未也不學禮 斯二者陳九退而喜曰問一得三聞詩聞禮又 品節詳明而德性坚定故能 事理通達而心氣和平故能言 此章聚言詩禮 y K 立 即 君

立於禮 子曰與於詩 ノスララス語 禮以恭敬辭遜為本而有節文度數之詳可以因 而得之 朱子曰與起也詩本性情有邪有正具為言既易知 肌膚之會筋骸之來故學者之中所以能卓然而 所以與起其好善惡惡之心而不能自己者必於是 而吟咏之間抑揚反覆其感人又易入故學者之初 两山讀書記 £

成於樂 金少四人之言言 誦詩二十而後學禮則此三者非小學傳授之次乃 樂有五聲十二律更唱送和以為歌舞八音之節可 大學終身所得之難易先後淺深也程子曰天下之 得之是學之成也○按內則十歲學幼儀十三學樂 之終至於義精仁熟而自和順於道德者必於是而 以養人之性情而荡滌其邪穢消融其查滓故學者 而不為事物所搖奪者必於是而得之

所以養具目歌詠所以養其性情舞蹈所以養其血 英才不為少矣特以道學不明故不得有所成就夫 脉令皆無之是不得成於樂也是以古之成材也易 是不得立於禮也古人之樂聲音所以養其耳采色 喪祭莫不有禮今皆廢壞是以人倫不明治家無法 者乎是不得與於詩也古人有酒掃應對以至冠昏 **共說故能與起今雖老師宿儒尚不能曉其義況學** 古人之詩如今之歌曲雖問里童稱皆習聞之而 न न ज्ञान 知

欽定四庫全書 學樂誦詩舞勺成童舞象二十始學舞大夏今夫子 咏嘆之間所以漸漬感動於人者又為易入改學之 之言其序如此乃與教之先後不同何也曰詩者樂 今之成材也難〇或問古者之教十年學切儀十三 所得必先於此而有以發起其仁義之良心也至於 之一物以漸習之而節夫詩之音律者也然詩本於 之章也故必學而後誦詩所謂樂樂益琴瑟填荒樂 人之情性有美利風諭之古其言近而易曉而從容

聲音之馬下舞蹈之疾徐尤不可以且暮而能其 禮則有節文度數之詳其經至於三百其儀至於 之上而其酹酢之際得以正固而不亂也至於樂 而 以固其肌膚之會筋骸之東而德性之守得以堅定 然後及其大者又必服習之外而有得馬然後內有 益禮之小者自為童子而不可關馬者也至於成人 千其初若甚難強者故其未學詩也先已學知儀矣 不移外有以行於鄉黨州間之間達於宗廟朝廷 西山讀書記 所

金安四屋全 禮智之實又有非思勉之所及者必其甚安且人然 以養其耳目和其心志使人淪肌淡髓而安於仁 皆是此意○南軒曰此學之序也學詩則有以與起 點也氣象の又云與於詩是與起人善意汪洋浩大 禮之後也○問與於詩如何程子曰古人自小諷詠 後有以成其德馬所以學之最早而其見效反在詩 自然善心生而與起今雖老師宿儒不知詩也○與 於詩者吟咏性情涵暢道德之中而散動之有吾與

てきりう人子与 記 禮樂 經解入其國具教可知也 於樂則和 後有所立此致知力行學者所當果用其力者也至 鄭 非力之所及惟久且熟而自至馬耳○此章兼言詩 其性情之正學之所先也禮者可踐之規矩學禮而 氏日觀其風俗則知其所以教 經之教 順積中而不可以已馬學之所由成也此 西 山讀言記

其為人也温柔敦厚詩教也疏通知逐書教也廣博易 金ラロたとこす 事春秋教也 良樂教也潔静精微易教也恭儉莊敬禮教也屬辭比 疏 書録帝王言語舉具大綱事非 各從六經之性觀民風俗則其教可知也温謂顏 皇之世是知遠樂以和通為體無所不用是廣博簡 曰言人君以六經之道各隨其民教之民從上教 潤柔謂性情柔和詩依違諷諫不指切事故云云 煩密是疏通上知常

ラノハ・フ・ラー 人ここう 故詩之失愚書之失經樂之失奢易之失賊禮之失煩 春秋之失亂 禮以恭遜節儉齊莊敬慎為本若人能恭敬節儉是 易良善使人從化是易良易之於人正則獲吉卯 獲凶不為淫濫是潔静窮理盡性言入秋毫是精微 化於下在下染習其教還有六經之性故云云 此次褒贬之事是此事儿人君行此等六經之教以 禮之教屬合也比近也春秋聚合會同之辭是屬辭 讀書記

而 金罗匹丘人三章 具為人也温柔敦厚而不愚則深於詩者也疏通知遠 也潔静精微而不賊則深於易者也恭儉莊敬而不 深於禮者也屬於此事而不亂則深於春秋者也 不 精微愛惡相攻逐近相取則不能容人近於傷害春 正義曰詩為樂章詩樂是一而教別者若以聲音干 秋習戰鬪之事近亂 失謂不能節其教者也詩敦厚近愚書知遠近誣易 **誣則深於書者也廣博易良而不會則深於樂者** 頄

たこりるころです 發出則陰陽吉函事事都有在裏人須就至虚静中 論易則日易初未有物只是懸空說出當其未有 **畫則渾然一太極在人則喜怒哀樂未發之中一旦** 詩教也此為政以教民故有六經若教國子則唯用 戚以教人是樂教也若以詩辭美刺風諭以教人是 見得這道理周通通職方好若先靠定一事說則滯 此章言六經之教〇程子論經解說見前然未子於 凹 術王制曰春秋教以禮樂冬夏教以詩書是也〇 U 西山湖書記

金グにをノニモ 為人温 六經之道上之所以為教者此也下之所以為學者 深取之注疏之辭多未粹愚謂古者君臣上下共由 亦謂其有意於温柔數厚之教則朱子之於斯言益 泥不通此所謂潔静精微易之数也其序召氏詩記 也上因性以為教下亦因學以成性故觀其國之 之理故其為人疏明不滯而所見者遠樂以尊和 即知其君之教學詩則能感發其性情之正故其 和而柔順敦為而厚重學書則通知古今治

次足口戶立書 禮主於恭儉莊敬故學之者各得之而成其德春秋 愚疏连者於言或易發故其失誣博大者易以奢廣 經之用其曰為人則氣質俱化習與性成矣其視後 故學之者開廣而博大平易而温良易道簡潔精深 何如哉然人各有所偏醇厚者於智或不足故其失 世通經之士徒習章句訓義而無益於性情心術者 是者必有得於春秋者也古之學者學一經必得 連屬其辭比次其義以寓是非褒贬之指故凡能如 THE 西山語言記

峻潔者易以深刻恭敬者或煩勞而不安樂屬許 以全具得亦如古者教胃之意也曰詩之失書之失 事而不至者則善惡或至繆亂故必矯其失而後 厚教之者即詩之教以疏通知速教之者即書之教 經之書雖未備而經之理己具於人心故以温柔敦 之前六經未備教者何以為教學者何以為學哉日 云者益言學經者之失非謂經之有失也或謂孔子 也具它皆然然六經未備則學者難為功六經既備 有

ということです 尚子曰書者政事之紀也 者何如學詩矣吾之德果温柔敦厚矣乎學書矣吾 已耳其何益哉 楊氏曰書所以紀政事此説六經之意 則學者易為力今之學者學此經則當思有得於經 勉馬底乎為善學經者不然則章句而已耳訓義而 之德果疏通知遠矣乎必如是而深思馬如是而自 六經之指 西山讀者記

禮者法之大分類之綱 詩者中聲之所止也 纟 樂之中和也詩書之博也春秋之微也在天地之 故學至乎禮而止矣夫是之謂道德之極禮之敬文也 欠し 詩 禮所以為典法之大分統 口中聲以降五降之後不容彈矣 類而長者猶律條之比 謂樂章所以節音生乎中而止不使流淫春秋傳 人ノニー 状ニ 恕 附 也」 類之綱紀類謂禮法所 觸

詩書故而不切 りついりうこんえる 春秋約而不速 **畢矣又曰禮樂法而不說** 述已然之得失使人視以為監而不待於迫切 陳列其法使人自悟而無待於論說 詩書但謂先王故事而不委曲切近於人 文義隱約不能使人速曉其意○愚謂法而不說謂 有大法而不曲 説 西山讀書記 故而 11-12 不 切 謂但

詩說理者莫辯乎春秋搶斯辯亦小矣 易說事者莫辯乎書說體者莫辯乎禮說志者莫辯乎 莊 金グログノニー 楊子或問五經有辯乎曰惟五經為辯說天者莫辯乎 秋以導名分 子曰詩以導志書以導事樂以導和易以導陰陽春 按戰國以來辯士之說勝而不根諸理流俗惑之至 斧劈截将去字字有看落 朱子曰莊子此語後來人如何可及直是如快刀利

んとりうてから 漢猶然故楊子發此論然於五經之指未能大有發 明月 經鮮有得具指要者反不若莊生之當於理也 有仁而無義詩有義而無仁也可乎哉大率漢儒論 於五常之道無不包者今以五常分屬於六藝是樂 故無訓也書以廣聽知之術也春秋以斷事信之符 **也五者益五常之道相須而備故易為之原夫六經** 仁之表也詩以正言義之用也禮以明體明者著見 也其後班氏作藝文志有云六藝之文樂以和神 两山前者記

史記孔子去魯凡十四歲而反乎魯去魯至東公時反 徴 曰夏禮吾能言之祀 也又曰 也 飲追迹三代之禮序書傳上紀唐虞之際下至 終不能用孔子孔子亦不求仕時周室東禮樂廢 其可知也又曰吾自衛反鲁然後樂正雅 足则吾能做之矣觀殷爰所損益曰後 古者三千餘篇孔子去其重取其可施於禮義上 周 監二代 不足徵也段禮吾能言之宋不 郁郁乎文哉吾從周孔 **災錐百世** 子語學 如頌各得 秦 足 可

音禮樂自此可得而述之以備王道成六藝孔子晚而 沙定四車全書 若是我於易則彬彬矣孔子以詩書禮樂教弟子益三 甚易序暴緊於計文言讀易章編三絕日假我數年 千馬身通六義者七十有二人哀公十四年春符大 采契后稷中述殷周之盛至幽厲之缺始於在席改 廟為領始三百五篇孔子皆經歌之以求韶武雅領之 孫氏車子銀商獲獸以為不祥仲尼視之曰蘇也 雕之亂以為風始鹿鳴為小雅始文王為大雅始清 西山讀清記

之 懼馬 喪子及西待見蘇曰吾道窮矣乃因史記作春秋上至 隐公下記哀公十四年據魯親周其解約其古博 之君自稱王春秋贬之曰子践土之會實召周天子 義後有王者舉而用之春秋之義行則天下亂臣贱 春秋諱之曰天王将於 於為春秋筆則筆削則削子夏之徒不能赞一群 曰 河 孔子在位聽訟文解 不 出圖維不出書吾已矣夫顏淵死孔子曰天 河陽推 有可與人共者 it 類以絕當世貶 弗獨有也至 郢楚 損 子 而

	(世)学() () () () () () () () () () () () () (以上總論六經之指
而山黄杏北		4 €
ツ ヤボ		

西山讀書				多方四姓全書
西山讀書記卷二十四				巻二十二
				(3)